

嘉慶鳳臺縣志

鳳臺縣志目錄

賜進士出身翰林院庶吉士 武英殿協修官鳳臺縣知縣許兆熊

卷第一

輿地

沿革

分野

卷第二

食貨

風俗

戶口

賦役

稅課

鹽

捐攤

賑恤

卷第三

營建

城郭

公署

監獄

汛鋪

倉

義冢

附寺觀

游觀

卷第四

溝洫

卷第五

官師

卷第六

選舉

卷第七

藝文

載籍

金石

詞賦

卷第八

人物

卷第九

列女

卷第十

古蹟

卷第十一

圖說

卷第十二

附錄

敘曰凡居百里之地其山川形勢人民謠俗苟有不
晰則不可以爲治況南北之交風會所趨哉縣舊志
陋而不該蓋始事之難也謹纂舊文脈山川採風謠
上該周秦下至於茲條而次之維縣平原繡壤山林

川谷萬井之都跨淮南北承濠挾壽是維形要志輿
地第一民生敦龐土山是急五穀所宜麥豆秫稷載
在職方長淮千里束於硤石肆勁漂捷風氣之所形
志食貨第二經界定而保聚之圖興城郭繕而壇壝
之封植干楸樹而守望之御良杠梁成而涉厲之歌
息孰經紀是而鞏固是不可以不論也志營建第三
彼淮淝盭潏田廬是虞曷若道溝瀆完隄防以益我
灌溉哉稽其成效亦後事之師矣志溝洫第四官職
建而民生善官職曠而民生偷其閒不容髮當三國
擾攘兵革不休而民生殖鄭君之力也志官師第五

山回而幽水肆而清是生傑英志逸舉第六淮南內
篇不朽千載暨於金石考文所急志藝文第七幼平
項項勇逸賁育蛇蛇呂公人倫之宗亦有侍御蹇蹇
是主本其行事以興來者作列傳第八其姜披面季
女闔門有燁彤管陰教是敦志列女第九仁濡義浹
老死不見兵革覽往昔戰爭之地悠然以思慄然而
危曠然而慶其生之辰也志古蹟第十凡十篇其古
今之變因革之宜士俗之淳漓民生之勤窳庶幾足
以備考覽焉嘉慶十有九年三月

鳳臺縣志卷一

賜進士出身翰林院庶吉士鳳臺縣知縣兼理壽州事李兆洛纂
輿地志

雍正十年兩江總督尹繼善奏曰壽州周圍千里民俗刁頑命盜頻聞私鑄賭博疊經發覺知州一員難以肆應請分設一縣添知縣一員分疆而理以城內之東北隅並北門外之石馬店東門外之石頭埠等處地方劃分新縣管轄並設典史一員管理捕務如此則要地有統理劇邑有分任而吏治易收實效矣
奉

旨依議因以縣北之鳳皇山名縣曰鳳臺於禹貢爲

徐揚二州之境

淮以北爲徐淮以南爲揚

周則爲青揚二州之境

周禮職方氏無徐州而青州之川有

淮泗蓋并徐於青亦以淮爲界也

春秋時爲楚地

其淮北卽楚之州來邑

春秋成七年吳入州來杜氏注州來楚邑淮南下蔡縣是

也昭四年傳楚然丹城州來

其後吳滅州來蔡遷於

此遂有下蔡之名

春秋昭十三年吳滅州來哀二年蔡遷於州來水經注淮水北逕下

蔡縣故城東本州來之城也吳季札始封延陵後邑

州來故曰延州來矣春秋哀公二年蔡成公自新蔡

遷于州來謂戰國時楚滅蔡史記蔡世家侯齊四年

之下蔡也索隱曰在春秋後二十三年父選宋玉賦惑陽城考

迷下蔡李善注曰二縣名蓋楚之貴介公子所封

烈王自陳徙都壽春史記楚世家考烈王二十二年東徙都壽春命曰郢正義曰在

壽州秦爲泗水郡九江郡地按秦泗水九江不詳治所胡三省通鑑注引史記正義曰九江郡卽壽州楚自陳徙壽春號曰郢秦滅楚

于此置九江郡則秦之九江治壽春也今史記正義

無此西楚爲九江國史記項羽本紀立漢初爲淮南

國史記黥布列傳高帝五年遂剖符爲淮南王都六

一年淮南王黥布反立子長爲淮南王王黥布故地

孝文十六年卒厲王長子阜陵侯安爲淮南王元符

爲九江郡除尋爲九江郡之壽春邑郡治焉其下蔡屬

沛郡漢書地理志九江郡壽春邑楚考烈王自陳徙

夫差遷昭侯於此後四世及侯齊竟爲楚所滅按

英布都六及布滅而自立子長長滅而徙城陽王喜皆

不著都所漢書地理志云淮南爲三則衡山王都六而

王喜仍英布都六至分淮南爲三則衡山王都六而

淮南王都壽春也後改後漢俱屬九江郡郡國志九

九江郡因爲治所矣

鳳臺縣志

卷一

漢官云刺史治三國時魏境屬淮南郡晉書地理志

下蔡故屬沛

江西北廬江九江之地自合肥北至壽春悉屬魏

宋書

州郡志漢九江郡治壽春縣至後漢徙治陰陵魏復

曰淮南徙治壽春三國志蔣濟晉因之晉書地理志

傳咸熙中封濟孫凱爲下蔡子晉因之揚州淮南郡

下蔡晉末迄陳南北分裂縣地遶兩境去來無常時

時設城置戍又多僑郡

南齊書州郡志豫州元帝永

壽春咸和四年祖約以城降胡復以庾亮爲刺史治

蕪湖庾亮經畧中原以毛寶爲刺史治邾城爲胡所

覆穆帝永和五年胡爲揚州刺史王浹以壽春降而

刺史或治歷陽進馬頭及譙不復歸舊鎮也哀帝隆

和元年袁真還壽春爲桓溫所滅孝武寧康元年桓

冲移姑熟十二年桓石虔還歷陽義熙二年劉毅復

鎮姑熟上表曰忝任此州地不爲曠西外荒餘密邇

寇虜北陲蕭條土氣強獷民不識義惟戰是習逋逃

不逞不謀口會比年以來無月不戰實非空乏所能

獨撫請輔國將軍張暢領淮南安豐梁國三郡時象

州遼荒至乃如此十二年劉義慶鎮壽春後常爲州
治宋書州郡志南豫州南梁太守領睢陽令漢舊名
孝武大明六年復名壽春八年復舊前廢帝永光有
義寧寧昌二郡并睢陽所治卽二漢晉壽春縣後省
南齊書州郡志宋永初二年分淮東爲南豫州而淮
西爲豫州泰始五年淮西沒虜七年復分淮東置南
豫齊建元二年太祖省南豫右僕射王儉啟云江西
連接汝穎土曠民希匈奴越逸惟以壽春爲險若使
州任得才虜動要有聲聞豫設防禦則不埃南豫倘
令或慮一失醜羯之來聲不先聞胡馬修至壽陽嬰
城固守不能斷其歸路朝廷遣軍歷陽已當不得先
機太祖不從永明二年復置南豫皆不詳所治亦無
壽陽睢陽等縣按王儉啟益南豫仍治壽春也北魏
書地形志揚州淮南郡領壽春故楚有倉陵城下蔡
郡領下蔡又云前件揚州已下二十三州並緣邊新
附地居險遠故郡縣戶口有時而缺又南兖州下蔡
郡太和十九年置孝昌中陷興和中復領下蔡前漢
屬沛孝昌中陷興和中復按宋明帝泰始三年張永
彭城之敗盡失淮北四州及豫州刺史垣崇祖徙下蔡
鎮壽陽齊高帝建元三年豫州刺史垣崇祖徙下蔡

成淮東魏師至欲夷故城崇祖引兵渡淮破之則下
蔡故未入北也魏孝文泰和十九年爲齊明帝建武
二年孝文親征壽陽登八公山賦詩又至鍾離欲南
臨江水魏置下蔡郡當在此時後五年爲東昏永元
二年裴叔業以壽陽降魏併壽陽入北梁武帝普通
六年正月裴遂拔新蔡及鄭城汝穎間響應當於此
時失下蔡而魏長孫稚據壽陽至七年七月夏侯宣
攻壽陽魏李憲以壽陽降陳慶之入據其城復以壽
陽爲豫州合肥爲南豫州東魏孝靜帝興和元年當
梁武大同五年至大同九年東魏改武定其四年中
南北通好無緣得復下蔡又資治通鑑大同五年上
方事征伐恢拓境字北踰淮汝東距彭城則下蔡當
南屬魏志疑有譌至梁武太清二年東魏使辛術畧
淮南之地至三年末潘樂襲司州降刺史夏侯強於
是盡有淮南之地距興和四年凡七年至陳宣帝大
建五年吳明徹攻陷壽陽復以壽陽爲南豫州距梁
太清三年屬北朝者二十五年至太建十一年十一
月周韋孝寬拔壽陽計南屬止六年下蔡在淮北亦
當同隋仍置下蔡屬汝陰郡壽春屬淮南郡隋書地
之

陰郡下蔡梁置汴郡後齊郡廢大業初縣改名焉又
梁置淮陽郡後齊改曰潁州郡開皇初郡廢淮南郡
壽春舊有淮南梁郡北譙汝陰等郡開皇初並唐爲
廢蒙縣入焉大業初置淮南郡有八公山門溪唐爲

潁州汝陰郡壽州壽春郡地舊唐書地理志河南道
潁州中縣四下蔡隋舊

武德四年於縣置渦州下蔡隸之八年州廢縣屬潁
州淮南道壽州中縣五壽春漢縣屬九江郡晉改爲

壽陽晉於此置揚州齊置豫州後魏置揚州梁復爲
豫後周置揚州隋改壽州煬帝爲淮南郡武德中爲

壽州皆以壽春爲治所唐書地理志潁州汝陰郡下
蔡武德四年置渦州八年州廢西北百二十里有大

崇陂八十里有雞陂六十里有黃陂東北八十里有
眉陂皆隋末廢唐復之溉田百餘頃壽州壽春上有

八公山太平寰宇記唐武德四年改爲淮川五代吳
等復下蔡之額屬潁州按淮川蓋渦州之訛

以壽州爲忠正軍南唐曰清淮軍後周復爲中正軍

其下蔡則仍屬潁州五代更有之周世宗又移壽州

治下蔡

文獻通考壽州吳置中正軍五代史職方志壽州楊氏以壽州爲忠正軍

唐故曰忠正軍五代會要唐天成二年升壽州爲忠正軍

職方志表頴梁有唐有晉有漢有周有又周世宗本

紀顯德四年三月克壽州劉仁贍傳壽州故治壽春

世宗以其難克遂徙城下蔡而復其軍曰忠正軍

平寰宇記周顯德三年平淮南降壽州爲防禦州仍

移州于頴州之下蔡爲理所舊五代史郡縣志壽州

周顯德四年移於頴州下蔡縣爲倚郭以舊壽州爲

壽春縣宋俱屬壽春府亦以下蔡爲府治

春府壽春郡緊忠正軍節度本壽州政和六年升爲

府乾道三年罷壽春復爲安豐軍崇寧縣四下蔡緊

壽春縣元豐九域志淮南西路壽州壽春郡忠正軍

節度治下蔡縣縣五下蔡四鄉蘇村闕二鎮有峽

石山頴水淮水壽春州東南二十五里六鄉壽春南

南廬史源城澗四鎮有八公山壽春淮水肥水

宋與金劃淮爲界宋以壽春隸安豐軍金以下蔡隸

壽州

宋史地理志壽春紹興初隸安豐三十二年爲

下刺史宋隸壽春府貞元元年來屬泰和六年六月

十月爲防禦縣二下蔡有硤石山潁水淮水皇統元年

西白鄧州南四十里西南四十五里爲界元壽春

下蔡隸安豐路改壽春郡宋爲壽春府又安豐縣

爲安豐軍繼遷安豐軍於壽春府元至元十四年改

安豐路總管府十五年定爲散府領壽春安豐霍邱

三縣二十八八年復升爲路以臨濠府爲濠州與下蔡

蒙城俱來屬縣五壽春中倚郭下蔡下至元十三年

隸壽春府二十八明爲直隸壽州省下蔡入焉

罷府與蒙城皆來屬明爲直隸壽州省下蔡入焉

地理志鳳陽府壽州太祖丙午年曰壽春府吳元年

曰壽州屬臨濠府洪武二年九月直隸中書省四年

二月還屬後以州治壽春縣省入北濱淮淮水逕山

硤中謂之硤石山有西肥水來合焉東北有八公山

東肥水逕其下西入淮謂之肥口北有下蔡縣

南有安豐縣俱洪武中省有下蔡鎮巡檢司

輿地

國朝改壽州屬鳳陽府雍正十一年分置鳳臺縣古

壽春在淮南下蔡在淮北今縣境淮南分壽春地淮

北則通下蔡地也南界壽州西界潁上北界蒙城東

界懷遠西北界阜陽東西百二十里南北百八十里

東至懷遠縣治百五十里

縣東五十里陳家岡與懷遠新集界

西至潁

上縣治百二十里

縣西八十里楊家集與潁上龔家集界

南與壽州同

城以東門內大街南北爲界

北至蒙城縣治百八十里

縣北九十里界溝集

與蒙城大東北至懷遠縣治百八十里

縣北八十里山集與懷遠界

遠龍西北至阜陽縣治二百四十里

縣西北四十里程家集與阜陽界

陽縣紅東北距府治百八十里

磚寺界

縣東陳家岡經懷水

遠之上密爲官路

路二百七十里

沿淮南而下

距布政司治五百四十里

東南

由壽州之瓦埠

水路一千八百里

沿淮入運河出江

經合肥爲官路

日北魏源懷言壽春去建康不過七百里乘舟藉水

條忽可至按壽春至建康陸路不過四百七十里水

路北由淮水南出肥水皆干五

百餘里源懷之言未爲確論

東南距江寧府城五

百十里

橋經定遠爲官路

北爐

水路一千二百里

亦沿淮入

運河至京師

二千二百八十里

由縣至鳳陽縣之臨淮驛歸驛路或由蒙

城亳州至徐州之

水路三千八百二十里

沿淮出清

城以內分治東北隅在城分六坊曰東紫金

治東兼轄城外

東春申

治東北

北紫金

治中春申

治西廣積北

東紫順

轄城外

鄉分爲三東曰仁壽北曰德化西曰豐和

鄉八里里十甲分一百二保仁壽鄉二十五保日鴨

背舖距城二十里 隗家店距城三十里 劉家巷距城三十里 三山舖

距城三十里 四十里店距城四十里 安頭舖距城四十里 周橋灣距城四十里

四十里 葛家巷距城四十里 太平集距城四十里 大橋灣距城四十里

王家葉巷距城五十里 陳家岡距城五十里 胡家集距城五十里 泥

河灣距城五十里 高皇寺距城五十里 大馬岡距城五十里 地藏廟

距城五十里 東陳家集距城六十里 棗木橋距城七十里 李興集距城七十里

七十里 陶王寨距城七十里 蔡家店距城七十里 山裡集距城八十里

計家集距城八十里 萬福集距城一百里 德化鄉三十九保日

石馬店距城五十里 大山集距城一百里 魯村灣距城三十里 下蔡

鎮距城三十里 順河集距城三十里 大河灣距城三十里 泥岔集距城

三十里 新集距城四十里 黃橋灣距城四十里 南址集距城五十里 劉

巴集距城五十里 蘆溝集距城五十里 雙河灣距城五十里 李末店

距城六十里 遂家巷距城六十里 袁家集距城六十里 黃家集距城六十里

里 桂家集距城六十里 潘家店距城六十里 聶家集距城六十里 丁

家集距城七十里 張家集距城七十里 羅家集距城七十里 董家集

距城七十里 石家集距城七十里 穆陽湖距城七十里 賀瞳集距城七十里

里 夏家橋距城七十里 李陽湖距城七十里 劉隆集距城七十里 南

張家集距城七十里 武家集距城八十里 陳家樓距城八十里 白塘

村距城八十里 界溝集距城九十里 顧家橋距城九十里 北王家集

距城一百里 清泉集 距城一百里 薛家集 距城一百里 豐和鄉 三

十五保 日河口 距城一百里 董峯岡 距城一百里 孤山村 距城一百里 三

練城村 距城一百里 朱毛集 距城一百里 水碧村 距城一百里 焦岡

湖 距城一百里 西陳家集 距城一百里 蜜峯村 距城一百里 西王家

集 距城一百里 瓦屋嘴 距城一百里 虎頭岡 距城一百里 夏家集 距城

五十里 黃天澗 距城一百里 雙橋集 距城一百里 靳家樓 距城一百里 六

金溝 距城一百里 姬溝 距城一百里 黃家壩 距城一百里 管家店 距城

七十里 長湖灣 距城一百里 楊家臍 距城一百里 樊塘村 距城一百里 八

蘇村 距城一百里 楊村 距城一百里 邵家集 距城一百里 尚塘

集 距城一百里 港灣村 距城一百里 展溝集 距城一百里 柳

庄村

距城一百二十里

水月村

距城一百二十里

關疇集

距城一百四十里

陶家集

距城一百五十里

西北程家集

距城一百六十里

西北胡家

集

距城一百六十里

其市集之所曰下蔡古縣治也曰關疇

楊村見於九域志者也餘如顧家橋展溝集蘆溝集

丁家集雙橋集萬福集劉隆集大者或數百家小者

纔百餘家其餘雖分坊設保並皆墟市

其名山曰八公曰紫金曰硤石皆傳縣東北爲淮南

屏障古統諸山名八公亦但稱北山又曰肥陵山後

乃別稱紫金亦曰紫荆惟硤石得專名今土俗流沿

峯別生名八公紫金各有專山硤石之間都分異目

矣唐六典淮南道名山有八公山通鑑壽州壽春縣八公山一名肥陵

陵山在縣北四里通鑑地理通釋八公山一名肥陵

山下有八公山肥陵縣在壽春北四里肥水之北淮水之

南按八公山古但稱爲北山三國魏志甘露二年諸

葛誦據壽春吳文欽馳救魏王基等方圍城未合文

欽等從城西北因山乘隙將其衆突入城司馬昭敕

基轉據北山又水經注肥水西逕壽春縣北右合北

溪水導自晉書太元九年苻堅南侵謝元禦之於肥水

者始自晉書太元九年苻堅南侵謝元禦之於肥水

堅登壽陽城望見八公山今城北盛家湖卽船官湖地共

船官湖北對八公山今城北盛家湖卽船官湖地共

直北今俗名五株山俗所指八公山在城西西北其東

卽俗稱四頂山矣三才圖會云八公山在壽州東一

統志云在壽州東北皆統淮南諸山言之也紫金山

見於史者始自五代史周顯德三年圍唐壽州南唐

援兵營於紫金山周將李重進邀擊奪其二寨旣而

周主軍於紫金山之南四年唐援兵益集列十餘寨

周主命趙匡擊其先鋒寨及山北一寨尋復擊其

紫金山寨東都事略南唐齊王景達於山列十餘寨

以拒周周使宋祖擊之拔其連珠寨遂下壽州胡三省通鑑注引輿地紀勝紫金山卽八公山州東北十里山有車轍馬跡是淮南王賓客之遺曾有獲小金牌於此可以療病太平寰宇記八公山昔淮南王與八公登山理金於此按此可爲紫金山卽八公山之驗今俗所指紫金山在城東北僅高二丈許其東北高二百丈者別謂爲車路山上有所謂紫金山而俗稱特遺址猶在此兩山間寔卽古所謂紫金山而俗稱特爲之細別云兩宋史紹興二年僞齊劉豫遣其子麟由壽春而犯合肥姪猊由紫荆山出渦口而犯定遠防輿紀要云紫荆卽紫金也志云州北五里有連珠砦紫荆山腰有石磬大路遺址尚存古硤石不爲山目水經注淮水過壽春縣故城北又北逕山硤中謂之硤石三國魏志甘露元年諸葛誕據壽春王景軍硤石晉書太元八年苻堅侵壽春晉胡彬保硤石南齊書永元二年蕭懿遣陳伯之溯淮西上軍硤石以逼壽陽梁書天監十四年趙祖悅襲魏西硤石處之以逼壽陽太清二年侯景自渦陽走硤石濟淮襲壽春據之唐書武德七年李世勣討輔公祐渡淮拔壽陽次硤石諸書皆但曰硤石太平寰宇記壽州下蔡

縣硤石山淮水兩岸相對硤石名山始見於此審面甄覲地防有曰樞山者

其主山也城北十五里高三百餘丈其脉南自壽州而來

由州之姚臯大岡西北之盎春堆入縣境姚臯至盎

大岡折而西南分枝岐出北出支曰笑山又北曰長

曰九間石又出二支東曰石山有大石橫亘十餘丈

曰尹家山凸峯東北曰東長石山東南折曰磁山又東南

北折曰洞山三邑於此分界南厓屬壽州北厓屬懷

遠西厓西北厓屬縣長石山至洞山三里曰花山盡

於九龍岡分屬壽州懷遠境長石山西北支曰又西

西長石山西折為嶺山此皆盎春堆之東支也

南曰宗仙堆距盎春北曰曲木山東北出支西折曰

慕家山宗仙堆至此二里西支為錦鷄嶺又西曰東

西麓有磐泉塘山與西泉塘山相對為水口南麓多泉

泉蒙泉西南曰枚西堆距慕家北折曰分龍堆枚

西堆一里西北折曰秧草山距分龍堆一里山西南

折曰彭山北折曰騎馬山又出二支東支曰誥軸山

又東南半里曰西泉塘山又支曰大羅山又二里再

出二支西南支曰二羅山又南曰蜈蚣山又支曰同

山又西南一里曰三羅山經大羅二羅三羅名三山

三羅山又出二支東南支曰巽山西南支一里西北

折曰屏山又西二里曰蕪山又西一里西折踰羊斯

曰小禪山此皆分龍堆之西北支山也

岡之東又西曰鍋臍山距分龍又西曰片山西北支

曰大偏

山二南折而西踰黃歇冢西出支曰大鳳冠又西曰

偏山

栢氏堆東北出支曰小鳳冠又西曰五鼎山西北曰唐

栢氏堆冠山俗名小賴山

山又西北曰平山曰辭山曰車路山鍋臍山至此二

山

自顛至麓有車路兩道望若垂帶近尋杳然叢石而

已相傳淮南王宴賓客於山登頓車馬之跡也山東

西麓有連珠岩遺址詳古蹟西南支乃曰紫金山也

耕者嘗於山頭拾得碎金西南麓翟家窪有元女泉

耕者嘗於山頭拾得碎金西南麓翟家窪有元女泉

鳳臺縣志

卷一

地理

十

車路山迤西北曰小巫山

自辭山抵小巫山又統名三台山

又西北

曰大巫山

高百餘丈

又西北曰大長山

山五峯第一峯南出支曰光山朱樓

山距第一峯四里東北出支曰栢山亦名松鼠山又

日鐘山高二百丈距第四峯三里第五峯亦名攀斗

山高百餘丈

西北曰摩霄山

俗又名鼈山高百八十九丈東南出支曰捲山北折

曰卓雲山

亦名蒜山又名鷹嘴山高百餘丈

西北曰虎頂山

又名羅漢山高

百餘丈東北出支曰倚翠山

又西北曰門限山曰侶

霞山

又名紗帽山亦名三籬山高百八十九丈山出支東北出支曰鉢山孟山距侶霞山三里東支

曰龍盤山又出二支東北支曰棠山東南支曰碌磳

山東折曰丁字山又名丁家山山多黑石又東曰鷺

尾山距龍西曰禪山

亦名禪當山高百餘丈東北又盤山四里西曰禪山麓有紫沙泉南麓有滋泉又

西曰橫靄山

車路山至此六里南出支曰天馬山又名馬鞍山高二百丈東南麓有止泉又

出二支東支一里曰獅山東南支西北曰青構山又四里曰貫珠山第一峯有響松泉

西北曰雨帽山又西北曰東縹山北曰筵山俗又名

橫靄山至此二里皆高百餘丈東出支曰槃山高

百丈又東北曰茶山又西北支曰煮石山北曰雲條

山距槃山三里山盡處與茵席山南折之厓對峙爲

石門口中有石門潭北厓有洗雲泉石壁有洞深廣

二尺餘茶山北曰玉兔山與石門繚曲相抱又東支

二里曰鷹山東北支二里曰嗽山玉兔山東北曰權

山又東支一里曰樸山權山北折二里曰金雞山此槃

山之東北支其迤東又東北折曰小月胎山東曰大

月胎山高百餘丈距槃山一里又東出一里曰小釋山

里曰土門山又名小碌礪山東北支一里曰大釋山

大月胎山又北出二支東北支一里曰大釋山北支

一里曰頽山又名猛虎山又東至黃鳴堆出二支

一西北支三里曰小老虎山與大老魚山相對爲水

口一東北支曰畢家岡此槃山之又東北支皆筵山

之東西北曰老雲山俗又名對門又西北曰麗山高

支也

餘丈西南折曰大花尖山高二百餘丈其西卽樞山矣至此

五里諸山自東南委折而來至此特高山之南北若西

南西北分支四出如頂紋羅旋故又名花兒頂山云

樞山南支由山南曰龍尾山高二百餘丈東出支

西南曰高頂山高三百丈東南出支曰小瑯琊山曰

丈南出支曰鳳窩山亦曰王家山高百餘丈又東南

曰箕掌山高百丈迤東南曰石牛山高百丈又東南

曰大鼓山高二百餘丈東南出支西南二里曰鯉魚山又南

分二支東南支曰湧泉山山南崖有湧泉庵庵後有

淮王丹井南曰紅罔西南支曰秀梅山又南二里曰

梅花岡雲驥山又東南曰花驄山又曰打石東山

二百餘丈山多旁支西峯南曰礪山中峯西南曰東

嶺山東南曰紫階山東峯南曰石草麓又東南出支

曰星乳山距東峯一里東峯迤東南折曰華蓋山又

曰黃家山其間東出支曰虎子山東折曰又西南曰

玉枕山東南曰六府山龍尾山至此九里

嶺山高二百又南曰蘊秀山百丈西南曰梧枝山百

餘丈東南曰四頂山高三百餘丈又西峯南支曰雲堆山

餘丈又出二支東南支曰眠木山東曰鳳凰山高二

百丈南折曰鄧林山高百丈距雲堆山四里東南麓

有咄泉又曰珍珠泉西南支曰朱霞山又曰雲窩山

高二百丈又西南曰大石山高百餘丈又出二支東

南一里曰叢桂山西南一里曰五株山又南曰飛帛

岡南麓有瑪瑙泉西南麓有水晶泉亦曰土淨泉四

頂山至東曰龜山泉四百餘丈西麓有瑞盡東肥河

此四里

樞山西南支由山西曰吳頂山出支曰勺山西北西南

曰大蓋山百迤西南曰小蓋山北出支曰西曰黎

唐山西南曰大雷山南曰小雷山西南曰松條山南

日照斗山西南乃爲八公山也山凡十一峯一峯西

山相對爲水口南折爲二峯西南折爲四峯迤南爲五峯西

丈東北山支曰挂榜山南折爲七峯西南折爲八峯南折爲九

峯高百丈西麓有泉曰碧沙泉西南爲十峯迤南爲

十一峯自吳頂山至八公山六盡東肥河 樞山北

里八公山一峯至十一峯七

支由山西北曰小花尖山高二百餘丈東北折曰黃草山

迤東北曰大桐山高百餘丈東出支曰馬蘭山東北

又東北曰雙脛山又出二支東北支一里曰茵席山

東南爲石門北厓北爲小石門南厓迤東支北折一

里踰卧馬岡東南折出支一里曰碓把山與對岡相對爲

日樊山又西北出支一里曰碓把山與對岡相對爲

水口樊山又東北曰琪山距樊山二里迤西北曰小桐山

又西北曰翹山又西北曰良山又西北曰還山東北

折曰犢山迤東北曰老龍山盡山澗

自小花尖山至此四里

樞山西北支由山西北歷小花尖山又西北曰樂澗

山亦名黑

迤西北曰焉嘉山

高百丈

迤西曰琅洞山

支曰磨盤山

迤西曰西縵山

山東微平處有路北出魏家山口渡淮抵下蔡南入梁家

套過花馬劉碑山八公山東踰五

迤西曰東博羅山

又西曰西博羅山

高百尺南出支曰業山亦曰烟定

又東南曰二馬臺山南曰小節山

迤西曰大鉢山迤

西北曰柿子山

高百丈山分二枝後又散五枝峯如柿

子又如花葉紛披故亦曰花葉山或名華嚴山由柿

子山北曰紐綠山分二支由紐綠山西北曰篋笊山

北出支西折曰天梯山南折曰硃山西折曰長背山

曰柳山西北曰厚山迤西北曰廟山北宋時上有白塔寺故名寺久廢曰白

塔山山顛有白石塔址尙存曰魏家山自小花尖山歷烏嘉山柿子山九里白柿子山

歷紐綠山至魏家山十由紐綠山迤北曰柳山東折里此五支山之中支也

曰菜山東出支曰對山長二里北折曰西長山東折曰官山兩

山間爲官山口北折曰湍山西北曰崆達山又西北

曰昌山東北出支曰緯山迤西北曰西昌山東北出支曰蕭山曰大蕭山

曰橫梁山東北出支曰曼斗山北曰兌牙山東北出支曰蕭山二峯相連西折曰

黃堆山東北出支曰牛碌山迤西東北折曰鐵山西又出支曰西牛碌山

西北折曰西鐵山又西北曰陳家山抵淮岸自紐綠山至官

山口二里自官山口至陳家山由官山口東歷官山
八里止五支山之近北支也
東出支曰小姜東北曰大憑山北折曰石嶺山東曰
山口大姜山
口東出支曰活石山又東支曰虎洞山東北厓一洞
周數丈深五六尺西南又一支曰井口四丈餘相傳
舊有虎居洞中東北距活石山三里活石山東折曰
洋山東北曰李林山東北距活石山三里活石山東
如海潮故名距活石山三里又東出支曰銅子山西
北折曰史山山西麓爲李林山東距活石山三里
有浣翠泉石海山南支迺折而北曰老魚山距石海
山二里又東南支曰東洪山距石海山北折曰小石
一里此石嶺口以東皆石嶺山之支也北折曰小石
嶺山東南曰小石嶺口東出支曰東華山亦曰交山
東北支曰敦山距小石嶺山西北折曰玖山西南出
五里皆小石嶺山之支也
山東厓曰卧牛山西北曰小玖山東北折曰中華山
距小石嶺山四里

迤東北曰中夾山曰中塌山

北出支曰邊山小玖山

西又分枝曰前山北折曰西華山

北出支曰成山距

出支曰

北折曰沈翁山

昔有高士沈雉濱隱居北麓故名

西北曰棲

慈山又西北曰尹山

其間曰尹山口東北支曰佛喜山距尹

山一里小尹山北曰紅

西北曰大紅山

其間曰又西

山西北麓有雲竇泉

北曰網山

其間曰北折曰巢雲山

亦曰孫家大山西

北折曰勒馬山南折曰戈山迤南曰菱山

黃豆山

西北折曰烟墩山

古時屯兵淮岸置烽墩于山巔故名

北曰烟墩後山

南支曰營盤山古置營戍山巔故名右麓石坑古覆

兵處南曰紅石山抵瑤鑑湖距烟墩山二里直淮西

岸官驛灘西南麓直

西曰黑石山抵淮岸

泉黑龍潭

對花苑城爲水口

自官山歷石嶺山至小坎山七里又抵中壩山三里
小坎山西支歷尹山至黑石山十五里此五支山西
北支山柿子山南折曰偃雲山亦名石盤山西南曰龍爪

也俗又名龍爬山訛爲龍抱山迤西曰瑪甲山又西
高百餘丈西一峯曰茨山

曰瑞豆山迤西北曰廬題山東麓有沈綠泉西南麓
有馬跑泉山顛有路西

北通李家衝出瑤澗渡淮抵下蔡東南出老東山抵
石馬店綠山入城南出支曰岡山與小靈山相對爲

水口西曰迤西曰邈山東北麓爲迤西北曰長平山
老東山迤西曰邈山哈喇棵

山又分二枝迤西北曰徐莽山又西曰虹梁山西北

曰牧山又西北曰石湖山東北折曰妙山又東北曰

烟墩坂抵淮岸自柿子山歷偃雲山至長平山六里
自長平山至烟墩坂十里此五支山

近南長平山南麓爲土門又西南曰饅頭山東南折
支也

曰釜山西折曰壺山

亦名長廉山

迤西曰筭山

又名樓子山壽唐關

在其西

迤西曰烟籠東峯又西曰烟籠西峯

陽厓爲迦跌窠淮水

迎面來至山足折而西流窠高三十六丈周廣四十丈

又西曰三峯山

東峯有茅仙洞

東與烟籠西峯相亘處有路北達下蔡約六里

迤西曰養檳山又西曰周檳

山又西曰五檳山西南曰東硤石山高二十餘丈與

西硤石山對峙淮流津要也

自長平山至東硤石山十里此五支山西南支

也

自小花尖山歷烏嘉山至柿子山分二支一於紐綠山再分爲二一於偃雲山至長平山再分爲二

紐綠山一爲中支一至官山口又分爲二凡五支

淮西曰西硤石山西北

曰城子山迤西曰禹王山

山顛有禹王宮夏肥水迤山麓東入淮

又西

曰長山

頂有馬道

又西曰篠山迤西北曰孤山東折曰蔓

山此脉從西北來云

自孤山至西碛石山五里與東碛石山似相屬而非同枝也

諸山錯峙一隅周圍百餘里南北綿延幾五十里東西不及十里故單淺不能藏隱三面濱淮一面濱淝蓋所以障淮水屏壽春也

其在淮北厓與懷遠相屬者曰平阿山

水經注淮之西有平阿縣

故城王莽之平寧也建武十三年世祖更封耿阜爲侯國懷遠縣志平阿山在縣西南六十里漢有平阿縣因山爲名今

訛爲平戢山

岡阜連屬統曰平阿其脉自蒙城東

南境平原案衍入縣北境行十五里起金輪山

山嶺有金

輪寺元

東北折而東起曰游家山屈東南曰金水嶺

又東曰馬鞍山

高九十九丈西南出支曰月山折而東南曰毛山月山迤西南曰過山亦曰

平山又迤西南曰寨

折而北曰尖山

折而東北出支曰丹嶺山又東

兒山皆高十餘丈

北曰石塘山又西北曰羊角山又

西北曰張山高或數丈或十餘丈折而東南亘平脊

脊南屬懷遠北屬縣平脊又東曰大山又迤東南曰

洞山曰東毛山盡於淮皆懷遠境也

山氣直走絕少停蓄惟馬鞍山

大山稍高聳遠望秀傑

山周不過二十里半屬鳳臺半屬懷遠傍山居民

悍戾異于他處土人又訛平阿爲鳴鑼云

其名川曰淮曰肥口夏肥曰潁支流翼注則有茨河

東泥河黑濠河駕河濕泥河其醴渠分引者則有套

子河新河月河柳溝河多涓涓細流或斷或續不盡

可舟楫通也

淮出河南桐栢縣西南之桐栢山中峯曰胎簪山

又曰

大復源自山頂盤石流出又伏流三十里至陽口出

山

大復源自山頂盤石流出又伏流三十里至陽口出

匯流爲河

土人名曰白馬河水經注云風俗通曰淮均也春秋說題辭曰淮者均其勢也釋名

日淮韋也韋繞揚州北界東至于海

日淮韋也韋繞揚州北界東至于海

也在桐栢縣合十五水有二十四源繞湖北隨州境

也在桐栢縣合十五水有二十四源繞湖北隨州境

會二水屈經河南信陽羅山光山息縣光州新蔡固

會二水屈經河南信陽羅山光山息縣光州新蔡固

始境

會水口八有入江南經阜陽霍邱潁上壽州境

會水口四有

會水口四有

自桐栢縣至壽州東南流凡八百餘里

自桐栢縣至壽州東南流凡八百餘里

自壽州西南正陽關東北屈至魯家口入縣界

自壽州西南正陽關東北屈至魯家口入縣界

此十五里城西南五十里南岸屬壽州北屬縣

此十五里城西南五十里南岸屬壽州北屬縣

自此四十里至賀家淺直城西兩岸俱屬縣

自此四十里至賀家淺直城西兩岸俱屬縣

西北注之與潁上分界也

潁乃沙河支流之故道自潁上縣東南境之八里梁

分潁水一支東北行十里入縣西南境長湖灣坊之郭家小樓左合瓦溝水又北行三里逕黃家埧坊之

鄒家巷折而東行三里左合唐家窪水又東行二里左合牛家溝水又東行一里左合丁家窪水又折而

東南行二里至魯家口西南畔入淮自鄒家巷以下南岸屬潁上北岸屬縣溝今淤淺淮潁交漲畧通舟

楫漲落則平迤東北五十步曰魯家溝卽水經注所

窪小溝而已

稱椒水上承淮水者也

溝自黃家埧坊之韓家臺分水東南行三里至魯家口大

壩入淮按水經注溝本受淮水入焦岡湖爲古椒水

今韓家臺一帶淤高水勢南北分下淮湖不通矣

又東北行三十里左合焦岡湖水卽古椒水上承淮

水東北流仍注於淮謂之清水口也

湖今爲楊家腦長湖灣雙橋集

黃家壩諸坊之水所匯上流濱淮處有數口又東北

今皆堵壩下口爲小口溝有豐湖陂具溝血

四里爲賀家淺

淮中流有淤灘濶數十武長八里土名八里灘又東北流至

城西北肥水合衆水自東南來入之謂之兩河口

卽東

肥河見下屈而西北九里經小節山西金家溝滙山澗水

西南注之

水自樂澗山西下及西博羅山南業山北東下之水出小節山南爲金家溝而注淮

又北經石馬店西小靈山西麓滙山澗水西南注之

水自西博羅山南業山北西下由方瀛山柿子山南白石山北出小靈山西麓又一水自廬題山南岡山北東下出岡山東麓滙又西北一里經老東山西南

流過石馬店旁注淮

丁家溝滙山澗水西南注之

水自廬題山西南麓馬跑泉西流出老東山西

又一水自長平山南饒頭山北土門中東出金山東滙溝注淮又西北二里至壽唐

關西經烟籠山下屈而西七里至硤石口屈而北夏

肥水合衆水自西北來入之

卽西肥河見下

乃北出兩硤間

謂之硤石過硤石一里曰新河口左合夏肥水枝津

殺硤石之湍流也

新河見下

又北右出爲套子河

套子河見下

又北半里經孤山東老婆澗匯山澗水東北注之

水出

孤山南麓東北

又北而東三里左被菱角湖

菱角湖遇數里

在下蔡古城外西南城址連湖受南濠水出磨盤埂

右由小橋入淮淮漲倒灌湖溢濠過城左與淮爲

一矣淮不振湖無水又北至眠羊石

淮出硤北行折

徧種禾稼稱膏腴地又北至眠羊石而東石自北岸

如羣羊奔水中往屈而東過下蔡故城南套子河仍

往觸舟鑿之復生合之又東一里至花苑城西北邱溝匯山澗水北注

之水自長平山南饅頭山北土門中西下過筭又東

之山套西北出牧山石湖山左北匯溝注淮

里至紅石山對岸爲下蔡東瑤澗湖滙山澗水

西北注之水自紐綠山右十餘里又一水自紐綠山以西出

麓循侯笏天梯兩山之右集柳山西北諸山左麓之

水西行四里左集天梯東北諸山之水經茅家衝絕

紐綠山右官山之西流出魏家山北陳家山南又一水

自湍山右官山之西流出魏家山北陳家山南又一水

山北麓之水行九里右會大憑以西諸山西南北屈

麓之水三水並滙瑤澗湖出紅石山南注淮

二里逕黑石山又北四里曰瀑花頭垣崇祖徙下蔡

戍於淮東處也乃折而東南行七里駕河合縣西北

境之水出黃橋溝注之見下河右出支爲月河見下河又

東南十五里經魯村灣北老魚溝會山澗水東北注

之老魚溝有內外溝內溝約三水一白花兒頂山西

北麓出樂澗套北行左集博羅柿子諸山東北之

水經散家衝東行右集大桐山東北雙脛山以北之
水出礧把山北東北注一自花兒頂山東北麓下右
集筵山皓寒澗水又東北左集嵐香泉水經石門潭
又東北三里右集盤山猛虎山水至劉家村合前水
爲南簡溝一自萊山北西長山東官山南山口東
東行二里集官山北大甕山南及石嶺口南之水爲
北簡溝又三里會南山北大甕山南及石嶺口南之水爲
西北三里會馬家湖水湖又納六水一自老魚內溝又
虎洞山東麓東北集石海山北銅子山史山南之水
北合浣翠泉水入馬氏長溝北注一自大石嶺口北
台沁月泉水又左集東華山東北之水入牛氏長溝
又集活石玻璃蕪山北麓之水並東北注一自東華
山西麓北注一自玖山西北下至西華山東北爲火
龍口北入吳氏長溝東北入孔家湖又東北注一
徐家湖出湖又納二水一自西華山西北麓沈翁
賢尹山紅山北麓下合雲寶泉水東北注一自大紅
山網山孫家大山北麓勒馬山西北麓戈山夢山西
麓烟墩山東麓黃溝北並東北注于湖又東北五里
台前四水爲馬家湖會內溝並出魯又東南行三里
村灣闌爲老魚外溝東北注於淮

折而東北五里蔡溝承北錢家湖滙山澗水北注之

水由北錢家湖出湖納四水一自車路山北麓北注

一自大小巫山東北麓下歷溫水澗東北注一自門

限山東北麓下過土壩東北注一自東陂山東北麓

南集紗帽以東至鸞尾諸山之水北集盤山以東至

土門諸山之水並東北注合於又東北十三里至石

湖北出蜘蛛灘滙蔡溝注淮

頭埠張家溝承石燕湖滙山澗水西北注之燕湖出

湖納五水一自車路山東下至蔡家岡東注一自騎

馬山北下至三山舖東橋下西北至郭家村東合伺

山北下之水北注一自三洛山西北屏山覆山小源

山北下至王佛岡東大橋下北注一自小禪山北小

坡塘水過廣濟橋北注一自小禪鳳冠山澗水北合

老馬山南之水東北注鴨背舖西橋下合唐山澗水

自西南來注范家澗又總五水來會一爲太鳳冠山

北水一爲隗家店北水一爲黃歇家東南水一爲秧

草山南彭山南合蜈蚣山南鍋臍山北水一爲大洛

山南區山北合二洛山西三洛山南屏山南諸水歷

茅家窪並衆流入范家澗會鴨背舖西橋下東北又注合前水四俱滙石燕湖西北達張家溝注於淮

東北二里至石頭舖西畔屈北七里又東北二里月

河仍入之又東北三里爲盧家溝口卽水經注之潘

溪所謂吐川納淮更相引注者也詳古蹟屈東三里

左出爲柳溝河柳溝河見下又東一里至陳家岡西北鄧

家溝承墩子灣滙山澗水北注之水由墩子灣出

北下西至陳家岡小橋合洞山西北之水過趙家店

東北注一自西長石山嶺山笑山以西之水吳家岡

北東樂山東之水俱由嶺山東樂山間泉眼套北入

曹家澗合東洛山西慕家山東之水至趙家店西小

橋下北注一自金雞嶺東泉塘山西南秧草山東北

騎馬山東諸水出泉塘口活水澗過安頭舖西大橋

北至王家村東注三水並穿墩子灣北滙鄧家溝又

合洞山東北天才大山西北之水至曹家嘴北滙溝

由于

又東四里龍王溝滙山澗水東北注之

水目懷遠境洞

山下至陳家岡東北五里姚家灣入縣境東北滙龍王溝注於淮

東北則懷遠境矣

淮在縣境行一百四十五里

淮自霍邱以上其流未盛至壽州受兩沙河之水

土人以泮水爲南沙河潁水爲北沙河

至鳳臺又挾兩肥而浩瀚極

矣數百里之來源挾南北翼注之衆水而洩之以八十丈之硤石口其勢不暢故每遇夏秋霖潦萬

水俱滙則泛溢爲害包岡阜敗田疇壞房舍浸城

郭往往而是

詳營建

又明時黃河或奪渦入淮或奪

潁入淮淮不能容則倒漾爲害而濱淮之民無寧

宇矣縣之所以不得繁息多坐此也

明史河渠志
洪武二十四

年河水暴溢決原武黑洋山東經開封城北又東
南由陳州項城太和潁州潁上東至壽州正陽鎮
全入于淮永樂十四年決開封州縣十四經懷遠
由渦河入淮宏治二年河決開封白昂言河水南
決者自中牟楊橋至祥符界析爲二支一經尉氏
等縣合潁水下塗山入淮一經通許等縣入渦河
下荆山入淮又一支自歸德州通鳳陽之亳縣亦
合渦河入淮今潁渦二水入淮者各有灘磧水脉
頗緩宜疎濬以殺河勢嘉靖七年胡世寧言河自
汴以來南分二道一出汴城東祥符經陳留亳州
至壽州入淮一出汴城西榮澤經中牟陳潁
遠入淮今諸道皆塞宜濬孫家渡抵壽州以殺上
流二十年五月命王以旅總理河道先一歲黃河
南徙決野雞岡由渦河經亳州入淮舊決口俱塞
鳳陽沿淮州縣多水患乃議徙五河家城避之萬
歷四十四年河決開封陶家店張家時由會城大
堤下陳留入亳州渦河蓋終明之世四之分流入
渦潁者不絕今雖已堵閉而偶有潰決猶時多漫

溢矣

○齊召南水道提綱淮水經正陽關北壽州西

境有沙河自西北來會曰潁口又東北有淝河自西北來會又東北經壽州北有芍陂沿河水自東南來注之按齊氏置西肥入淮于東肥之前又政東肥曰沿河皆謬辨詳肥水條下

肥水今名東肥河卽水經出成德縣廣陽鄉之肥水

也水經肥水出九江成德縣廣陽鄉西注呂忱字林

也曰肥水出良餘山俗謂之連柳山亦或以爲獨山

也谷肥縣志大蜀山城西二十里小蜀山城西四十

里江南通志云山之中幹以河爲限其岐分中支自

河南之桐柏山東南爲大蜀小蜀爲天柱而諸山在

江北者又從分支縷析焉接爾雅山獨者蜀則獨山

當卽指蜀山蜀山爲山幹故附近諸山皆得以獨山

通名之耳太平寰宇記合肥縣肥水出縣西南八十

里也

三

里七十里一統志紫蓬山在合肥縣西自合肥西北

之將軍嶺分水田分流西行西四十五里一名分水

嶺嶺下有田名分水田一源二流即肥源分流之處

土人相傳宋有楊將軍欲開分水田使二水相合引

淮入肥募萬人挑之工不成將軍與工人約至雞鳴

時乃稍憩忽山上雞鳴而羣雞盡鳴工人息挑處復

合將軍遂自刎或云隋煬帝時人又云廣陽鄉即今

之將軍嶺自將軍嶺以南肥源不可復考○鄭樵通

志肥水出合肥縣雞鳴山按合肥縣志雞鳴山城西

北三十五里今入巢湖之肥河自將軍嶺發源經山

北東下鄭氏之說蓋誤○明南畿志肥水出紫蓬山

東北流經雞鳴山入金斗河又明隆慶廬州府志肥

源出紫蓬山北流經壽春歸淮按合肥縣志紫蓬山

湖其一西北流經壽春歸淮按合肥縣志紫蓬山

陵廟今肥源已湮○天下名勝志壽州肥水出廬

江縣李陵山之北蘆至合經本州東北又西流十

黃連門二河異流而下合經本州東北又西流十

乃入淮按合肥縣志紫蓬山一名李陵山不在廬江也又自廬江至合肥中隔巢湖廬江之水無緣轉北至合肥洗馬灣黃連門其地無可考名勝志于合肥縣既引南畿志以釋肥源此又忽爲迷繆之說殊不解可合南北諸水經鐵索澗爲金城河在合肥縣西九

五北入壽州之謝家墩又會六安州龍穴山之水其

流始大蕭景雲云龍穴山之水屈曲東北行百餘里入合肥界過山口店入壽州界至謝家墩而

合將軍嶺之其流最長曲折行百餘里至城東五里之東津渡

而入縣境東津卽古長瀕津詳古北流清水溝右入

之溝自花兒頂山東南水下右會龍尾至瑯琊諸山

尖至老雲諸山以南之水東渺至橫靄諸山以西之

水馬鞍至買珠諸山以南之水禪山至攀斗諸山以

西之水大長至朱樓諸山以南之水大巫南小巫西

車路西北紫金北諸山之水並注翟家窪西六府山

鳳臺縣志

卷一

地理

三

東又合會六府山水左會紫金山西及元女泉水匯
清水溝又合眠羊小湖水南至東津渡橋右注于肥
又北三里西屈四里南錢家湖水右入之湖自花驄山南下諸
山匯湧泉山南出又西一里清水澗右入之澗自高
諸水並注于肥又西一里黃灘溝承盛家湖水
下之水合珍珠泉水遇清水澗南注於肥又西一里黃灘溝承盛家湖水
右入之湖卽古船官湖也詳古蹟水自花兒頂山
間東南注湖又會瑪瑙泉水出東口過北門大
橋南屈又會雲堆山南下之水匯溝注於淮又西
三里西南屈繞八公山麓西北屈七里入於淮

〔唐盧摛合肥辨〕漢書淮南王殺閼章葬之肥陵肥

陵肥水之上也應劭云夏水出父城東南至此與

肥合故曰合肥

地理志注

今按肥水出雞鳴山北流二

十里所分而爲二其一東南流經合肥縣南又東南入淝湖其一西北流二百里出壽春西投於淮二水皆曰肥爾雅歸異出同流肥言所出同而歸異也是山也高不過百等所出惟一水分流而已其源實同而所流實異也故皆曰肥今二州圖記皆不見夏水與父城烏睹其爲夏與肥合者乎合

爲一源分而爲肥合亦同也故曰合肥而云夏與

肥合者亦應氏之失也

按應氏所云夏水蓋指夏肥其意似誤分夏與肥爲

二水也父城當爲城父或是刊刻之訛盧氏云二水皆爲肥亦未核其一水乃施水也

行

水金鑑曰按

大清一統志稿肥水出廬州府西

北雞鳴山北流分爲二其一東南流過府城東又東南入巢湖其一西北流經鳳陽府壽州城東北又西至州北入淮爾雅歸異出同曰肥唐六典淮南道大川曰肥水自昔爲廬壽要津今則水陸變遷故道俱不可問云江南通志廬州府肥水下注云在府城南七十五里源出紫蓬山東北經雞鳴山入金斗河一支西北流復東轉南下至東門外余公廟前二水相合故曰合肥按支津復合之說本之水經注今實並無此津合肥縣志辨之甚悉鳳陽府肥水下注云東肥河在壽州城東北西流十里入淮西肥河在下蔡廢城西

南境東流十里入淮下蔡廢城在今壽州北三十里合觀之則知東西肥本一水同源而異流者也

按東西肥源流諸書所載判然傅氏忽爲此說當緣通志二水相合一語誤會耳

水道提綱淮水

經壽州北有芍陂沿河水自東南來注之注云芍陂塘在壽州東南周數十里其西南支津西南流合清河西北入淠水其西北支津西北流曰沿河經州城東北又西北經兩山入淮

按齊氏於入淮

之水不著肥水蓋卽名之爲沿河也今肥河亦有

鹽河之稱以向時運鹽舡自此達瓦埠耳

壽州東有一水

自定遠縣西流至州東南瓦埠之北入肥土人亦名爲沿河肥水上流地志頗

多舛異就今時水道言之則自合肥發源之水歷

歷可稽不當舍肥水正名而稱沿河芍陂水卽安豐塘

首受潁泄委流下流一支入肥一支仍入潁今不

著芍陂之源而云沿河出芍陂尤謬至云經兩山

入淮則又以夏肥入淮處爲東肥入淮處矣齊氏

書于淮水條下牴牾特多不知其何據也

夏肥水今名西肥河上承河南鹿邑縣清水河爲古

沙水故道別而爲肥出亳州東南岔河嘴東南流經

城父村南又經太和縣東南境阜陽縣西北境凡行

二百五十餘里至管家渡入縣界

渡東西及東南屬縣渡東二里屬亳州

又東南三里黃溝水左入之

濠流逕董家集又西南境官路

三里入縣境又西南五里入阜陽縣

境又西南境入肥

又三里

黑土溝水右入之

溝自阜陽縣東北境集平原之水東流四十五里過張家橋至縣境

又東北五里入肥

又十三里至黃家渡卽水經注大滌陂處

也又二里柳黃溝水右入之

溝爲縣北境陶家集西北界平原水所集西北

流二十餘里入肥

又十餘里爲郭家潭

又名老龍窩肥水最深處折而西

北流二里至闕疇集南白洋溝水左入之

溝集蒙城西南境平

原之水十二里至縣境闕疇集南

過馬頭橋折而東

南爲葫蘆套又二十二里過雙廟西一里貝溝水右

入之

溝亦陶家集北界平原水所集東流十三里入肥

又三里爲老壩窩

右岸

爲水月村左岸爲展溝自關墮至楊村潭窩極多老壩窩瓦子寺窩尤深

又三十里至展

溝集東展溝水右入之

溝爲展溝集柳庄村陳家樓平原水所集東流八里入肥

又十餘里至瓦子寺渡又十餘里過卜家橋

錯賴上界東岸

爲楊村集

又五里過楊村大橋又十六里至米家窩

西顧

坊濟河水右入之

又曰謝河自賴上縣江口集東北平原水所集曲折行三十里至湯

家店又北三里入肥濟南岸屬賴上北屬縣

又五里過吳家橋又二十里

經賴上縣東北境繞侯家樓盤曲行四五里

諺云三望侯家

樓肥河至此極廻折也

又五里至高家樓入縣境又十五里至

殷家岡南濕泥河合三水自東北東會

濕泥水見下

折而

東北六里逕福鎮集南又六里過雙龍橋卽瓦屋折

而東南三里爲靴筒灣又六里爲彭家渡去陳家集三里又

十五里爲朱家渡又三里爲王家渡又四里爲萬家

渡毛家集北三里又四里逕孤山南蔣家嘴又十里至硤石

西左出枝津爲新河新河見下又東入於淮漢書地理志沛郡城父夏

肥水東南至下蔡入淮過郛二行六百二十里今自亳州以下至縣境二百五十餘里凡行縣

境二百五十餘里自管家渡以下水道南北盤曲無

一里逕行者

水經注曰淮水于壽陽縣西北肥水從城西而北

流入于淮淮水又北夏淝水注之淮水又東北濠

水注之淮水又北沙水注之經所謂蒗蕩渠也淮水于荆山北過水東南注之按此爲入淮之水次第夏澗水與沙水過水同出河濟亂流之蒗蕩渠水經注于上流皆謂之曰沙水由蒗蕩渠出別受沙水于扶溝縣東謂之過水沙水枝津又逕譙縣故城西入過此著沙過出而復合之道經云至沛爲過水言其委也沙水由城父縣西南出枝津一爲章水一東注爲濮水謂之肥水注謂卽春秋夷濮之水又謂濮水卽沙水之兼稱得夏肥之通目亦言其委也爾雅云歸異出同流肥釋名云本同

出時所浸潤少所歸各枝散而多似肥者也蓋言其委而別異之爲是稱豈得遠稱其源乎然則城父以上不得名肥城父以下始專肥名矣注所謂夏肥水上承沙水於城父縣右出東南流逕城父縣故城南是也漢書地理志沛郡城父夏肥水東南至下蔡入淮過郡二行六百二十里不繫之其上流也城父故城在亳州治東南七十里今名城父村過河在其東北十里肥河在其南三十里漳河穿城父縣故城址西南流注於肥卽水經注章水也今自河南鹿邑縣西北三十里承過河水而

南者卽名爲上肥河口由是而下通調爲肥河至太和縣東南境曰中肥河口與古違異今鹿邑縣西北惟有平土微源分支流注一爲澠河一爲肥河以上流不得沙名故以下流之肥河統名之耳

其肥河又名清水河則沿沙水上游所會之水名

亦非其故處

水經注清水出中牟縣清人城南東流至陽武縣注渠渠卽沙水

要

爲沙水故道故以爲夏肥上承之水而其所由得名之地必斷自亳州而下也肥自亳州下至碭石入淮處凡五百餘里與漢書云六百二十里異則古今里數大小之差耳其曰夏肥者夏者大也以

此水近承沙渦之委遠出河濟之決不特大於出
山桑澤藪入澗之肥且大于成德廣陽鄉合施入
淮之肥也

潁水今名沙河出河南開封府登封縣

水經注山海經曰潁水出

少室山地理志曰出陽城縣陽乾山今有三源奇發
右水出陽乾山之潁谷中水導源少室左水出少室
南溪援陽城東南經禹州襄城臨潁至陳州府淮寧
卽今登封也

縣之周家口而合北來之沙河

今名蔡河

卽水經之菴蕩

渠也

水經曰潁水又東南至新陽縣北菴蕩渠水從西北來注之又曰渠出滎陽北河東南過中牟

縣之北又東至浚儀縣又屈南至扶溝北其一者東
南過陳縣北注云渠卽沙水也音蔡許慎正作沙音
言水散石也從水少水少沙見矣沙水逕陳城東謂
之百尺溝又南分爲二水新溝水出焉東南注于潁

謂之交口水次有大堰即古百尺堰也按周家口蓋即百尺堰矣

又分爲二一由南

頓項城一由沈邱太和而合于潁州府城南之三里

灣又東南逕潁上縣東而入縣境之楊家腦坊又東

南至潁上縣之八里梁

即春秋時之潁尾杜氏註云在下蔡

入淮在縣

境行五里

按古沙水正流由扶溝蒙城懷遠入淮其入潁者

特分出之支耳今沙水自扶溝東出之流已堙其

正流盡歸于潁時俗遂并潁水而通名之爲沙矣

漢書地理志潁川郡陽城注陽乾山潁水所出東

至下蔡入淮過郡三行千五百里荊州寔則漢時

潁口本屬下蔡水經云至慎縣東南入淮則隸今

之潁上矣

按水經乃魏晉人所作非桑欽也

又通志畧云潁水出

陽城縣少室山東南至下蔡入淮元豐九域志金
史地理志于下蔡名川皆載潁水則宋金時潁口
亦下蔡境後又不知何時改隸潁上矣

茨河卽水經注之欠水原出亳州東南百里之清游
湖東南流爲茨河逕花溝集公雞寺至磚橋寺入蒙
城縣境逕蒙城縣西之舊城集又東南至呂望集南
過陳搏橋又東南逕順河集北至棗木橋東凡行百
餘里而入縣東北境之萬福集折而南行一里又折

而東北行二里右會鯽魚溝水

溝自陳家樓之甘家廟後北流入里入茨

河又東行一里過劉家橋又東北行二里餘又折而

南行二里餘右會詹家溝水

溝自陳家樓洪江寺後北流入里過瓦廟東之

楊家橋屬懷遠縣境又北流半里復入縣境又北流半里入茨河

又折而東北三里

過萬福橋又東北三里至何家菴南而入懷遠境注

於淮

入懷遠境後東南流經沙江與蓮花寺尤村柳春塘新興共行五十里至上橋折而東流七里

至荆山南而入淮

茨河在縣境行十五里甚寬深當水漲時

兩厓間可七八里

〔水經注〕渠水篇沙水東南逕城父縣西南枝津出

焉俗謂之章水一水東注卽濮水也俗謂之欠水

四庫書依永樂大典校定
本欠作艾以欠字爲訛

東逕城父縣之故城南

東流注也按此注當有訛脫淮水篇云夏肥水上

承沙水于城父縣右出東南流逕城父縣故城南

濮水卽沙水之兼稱得夏肥之通目矣則此枝津

濮水卽指夏肥東逕城父縣故城南之文亦彼此

相應第不當云東注又不當云俗謂之欠水又陰

溝水篇渦水又東南逕城父縣故城北沙水枝分

注之水上承沙水于思善縣世謂之章水故有章

頭之名也東北流逕城父縣故城西側城西北流

入于渦亳州志章河由清游湖北流逕城父東北

至白龍王廟入渦河俗謂之章水者當卽指此蓋
沙河至此分兩枝一入渦一別爲夏肥也章北流
夏肥南流沙水之正流則一直東注隨地異名俗
又謂之欠水耳據水經注沙水自此而東逕山桑
今蒙城縣龍亢在懷遠縣義成在懷遠縣而入淮與現在欠水之

道正合則欠水卽沙水之正流無疑矣詳求水經
所載水道沙汭皆出葭蕩渠自浚儀今祥符分流汭

東出過蕭碭入泗沙南流至扶溝卽今縣而岐爲過

水又東南至陳縣之百尺溝又岐新溝水入潁其

正流又東南逕寧平今鹿邑新陽亦在鹿邑譙今亳又岐

一水入渦又東南逕城父

在亳州南

又岐爲夏肥水其

正流逕山桑龍亢義成入淮今汭河自睢州已西皆已填淤睢州以東則爲黃河所奪餘流散漫于宿泗間不可指識也其自扶溝北岐爲過又岐爲新溝入潁者今則惟入潁新溝上接沙水通流其入渦之岐則填淤不相屬于是沙之上流盡歸潁水而渦爲別瀆矣沙水正流自寧平新陽南至譙而別爲夏肥者今則盡冒以肥水之名其自城父而南經山桑龍亢義成而入淮者今則別爲欠水之目沙旣入潁于是潁遂冒沙之名著方志者又

誤以湓水亦名沙復謂潁之冒沙由于湓水而水
經之沙水遂茫然不可問矣亳州志云清游湖在
州東南百餘里水漲時寬四十餘里西接明河油
河之水北流爲章水亳州志又云油河在城南五
淮寧縣東逕鹿邑縣東南又東至雙溝集北亂宋
塘河而東逕賈家集油河集入三丈河明河亦名
東明溝在城南七十里上承鹿邑東明溝亂肥河
而東流入境又東入三丈河鹿邑縣志云沙水至
陳州北明水出焉東西分流西明河入太和之茨
河東明河自茨河之張胖店入江南肥河按水經
注渠水篇沙水自百尺溝逕寧平縣故城南又東
積而爲岐明水注之水上承沙水支津東出逕汝
南郡之宜祿縣又東北注于陂按此明河當卽明
水蓋卽沙水之岐而復合者後遂以明冒沙而沙
之名遂混耳稍東爲龍鳳溝梭溝分流入于渦南通乾

谿溝入于肥東南爲欠河達于淮則現在地形水脉與酈氏所言本無不合而考方志者多勇于憑心怯于稽古遂致轉輾訛失也

漢書地理志注

蒗蕒作狼湯出狼湯之水凡四淮陽國扶溝渦水

首受狼湯渠東至向

在今懷遠縣西四十里渦水之陽

入淮過郡

三行千里

此卽水經之陰溝水自扶溝分流者

陳留郡陳留管渠水

首受狼湯渠東至陽夏入渦

此水見酈注云沙水又東南逕牛首鄉東

南魯溝水出焉

又逕陳留縣故城南又東南逕浚

儀睢水首受狼湯水東至取慮入泗過郡四行千

三百六十里

此卽水經之汳水自浚儀分流者經云汳水東至梁郡蒙縣爲睢水地理

志無汲水通名爲睢也

河南郡滎陽有狼湯渠首受涕東南

至陳

今淮寧縣

入潁過郡四行七百八十里

此水經之至陳縣而

岐爲新溝入潁者

其夏肥水則直出城父而不云受狼湯

渠沙水則無所見意菰蕩渠自陳東出之流本微而夏肥水則班固時本不與沙水通流也

東泥河源自縣西北境王家集東北之崔家土橋下東西分水西行爲界溝逕高顧菴李家莊會於小黃河

會口北距小中孤堆東畔黑濠河東折處半里

東北行爲東泥河逕崔家

莊北至界溝集北過青磚橋又東過孫家橋又東過劉家土橋

橋西左則奇溝自北而來穿河而南折而東南過劉家橋又

東南過董石橋又東南過徐家橋又東南過趙家橋

又東南左會張橋大溝水

溝自陳家樓之陳家營子南流十七里入東泥河

又東過夏家橋又東南過馬家橋折而東左會楊家

瓦溝水

溝自潘家店北三里王家莊南屈曲東南流過楊家莊又東南過橋溝西又折而西南流

入東泥河長十三里

又東過楊家橋又東行盤曲三里過劉氏

橋折而北又折而東過新塘橋又東左會謝家大瓦

溝水

溝自李興集東南流過草寺北受草寺湖水又東南至王氏莊側逕謝家橋又東南流左受徐

渠水自山裏集南五里之徐氏村南流六里至徐家莊東又南穿穆陽湖坊四里與大瓦溝合溝水又

東南過落馬橋折而南

又東左會李家小瓦溝

溝自蔡家

店南流七里至李建橋又南

穿穆陽湖坊四里入東泥河又盤曲東行過李家橋

折而東南至小戴家橋

橋西距劉隆集一里

右會三官溝水

自溝

田家集東北行八里過三官

橋又東北行二里入東泥河過橋折而東行過大戴

家橋又盤曲東行過王氏橋又盤曲東行過葛家橋

橋南距葛家巷一里

又盤曲東行右會張村溝水

溝自聶家廟坊之古溝集

東北流六里過李家橋又東北流三里入東泥河

又東過周家橋又東過趙

修橋又東至劉家嘴左受黑濠河水

黑濠河見下

折而東

南穿老君塘又東南至七步嘴

嘴向潞七步故名今濶一里矣

入懷

遠境湯魚湖卽水經注所稱媚湖也穿湖東行十四

里至尹家溝折而南行一里注於淮凡在縣境行九

十三里自馬家橋以上皆溝渠自劉隆集以下河勢

始潤然多淤淺亟宜挑濬

舊時出七步嘴穿湯魚湖東南行八里至楊絮溝溝

又盤曲東南行六里注淮近楊絮溝淤淺改由尹家溝注淮距楊絮溝注淮處六里

黑濠河源出縣西北境尙塘集東北七里之老龍宕

又名老塘約十數畝

東南流左會大溝水

溝自蒙城南境盧家店盧氏大塘南流爲

大溝行二里穿界溝而南入縣境又南行六里入黑濠河

又東至龍王廟臺右引

一支南行爲港溝又東至劉家樓南又東至三岔嘴

左會鴨子溝水

溝自蒙城西南離笆集東流逕郭家集南西頂寺西凡行二十里入縣境

薛家集西名鴨子溝

右會界溝水溝自縣境尙塘集坊之宏能寺西二里平岡微脊東西分水鑿引爲溝

界蒙城南境并洩高地之水溝北屬蒙城南屬縣溝

水西行者六里入港河東行者十四里穿大溝又東

行十里至薛家集西合鴨子溝溝水又東繞集北屈

繞集東折而南五里過閻家湖又過利濟橋又東入

黑濠河過三岔嘴平石橋折而南至小中孤堆東折而

東右引一枝南行爲小黃河入濕泥河穿雞溝湖會

於西肥

小黃河詳後

黑濠河又東至高顧菴北又東至米

家集北又東北至王家橋又東過蒙城之大興集北

又東行三十里至蒙城之古路岡北之古渡橋

此處蒙鳳

兩境犬牙相錯

又東南至李興集北折而東過石版橋又東

南過張家橋又東南過李家橋又東南過雙龍橋又

東南至韋家莊北又東南過袁家橋又東南過谷家

橋又東南至黃家橋又東南過耿家橋又東南過武

家橋又東南過臧家橋又東南過王家橋又東南至

三义秀水溝水來會之

溝自陶王寨遺趾東側東南流過餘慶橋又東南過成橋

又東南過楊家橋折而東北過小陳橋又東北至三义入黑濠河長十六里

又東南至大

馬岡橋折而東至魏家壩折而西南至劉家嘴東南

亦名楚家河

會於東泥河

自韋家莊以下北岸俱屬懷遠

凡行一百一十

餘里自陳家集以上皆溝渠細流至劉家嘴始寬深
通舟船懷遠縣志汭河在縣西六十里源發蒙城至
縣南歐村入淮又云黑河村在縣南六十五里汭河
蓋卽泥河之音訛也黑河匯泥河而後入淮故并言
之耳 按駕河泥河周絡平原近者四五十里遠者
百餘里酈氏注水經著椒水而不著此二河亦爲未

脩也

駕河自縣西北境界溝集之邵家店

在界溝集西四里

東西

分水西行者入倉林溝東行者入陳搏湖

在顧家橋東北八里

湖水東行爲駕河經管家大溝過管店橋至項家莊

南

西南距武家集八里

折而西南行至羅家集

東距集五里

右會樊

廟

水自顧家橋東五里之樊家廟後東西分行西行數武入倉林溝東行經常家樓朱家廟丁家

集入於駕河

又東南行右會大安溝

溝自顧家橋東長二十里

常家樓前水東行過丁家集北

又東南行右會郭塘

大安橋又東入駕河長十六里又東南行右會郭塘

水行三里入倉林溝東行經郭家塘至丁家集北過

河北橋又東入駕河長十二里

又東南行過丁家集東興善小橋興

善大橋折而南右會楊廟水水自張家集西四里之

四里入倉林溝東行由張家集北至丁又南行右會

家集南過南橋又東入駕河長十里

九龍溝溝自張家集西南四里之黑老婆湖東西分

經張村鋪過九龍橋又折而西南行右會積善溝水

東入駕河長十四里

溝自桂家集北五里之房家廟南東西分水西行二

里入倉林溝東行至考家莊南經張村鋪北過積善

橋又東入駕河折而東南行左會裔溝水溝自武家集

河長十六里

孫家莊後平原微脊南北分水北行為北裔溝入蒙

城境穿茨河入渦河長五十餘里南行為南裔溝繞

莊東又南行經王家廟穿黑濠河過黃家橋抵東泥

河劉家土橋西又穿東泥河至鄧家塘過張家橋王

家橋至石家集過石家又西南行過石片橋又西南

橋入駕河長三十六里

行屈繞清風孤堆在劉巴集三面過青石橋折而東

東北三里

南右會劉溝水

溝自石家集西南十里之劉家湖東南分水南行三里入柳溝東行至劉

巴集北過劉巴橋入駕河長八里

又東南行左會蔣溝水溝自董家店西一里

南行逕石家集又西南逕劉巴集入駕河長十四里

又東南行過黃家橋右會

柳溝水

溝自顧家橋東北十里蔣家樓北平原水下爲倉林溝東南流至馮家大橋又東流爲柳

溝過桂家集南又東過王家橋煉城寺至新集北過柳溝橋又東南至張家營東入駕河長三十四里

折而南行右會十里溝三里溝

十里溝自孤山北三里蔓山西北之劉家

集東北行過十里溝橋東北過新集南小橋東南入

姬家窪又東北流三里溝水來合之溝自孤山東北

流過陳家莊孔家莊逕八里塘過劉家橋又北合十里溝水又北入駕河長十五里折而東至

陳家大橋折而東北過岡胡家橋折而東入戴家湖

左會蘆溝水

溝自夏家橋西二里之榮家莊西南北分水北行二里入泥河南行蘆溝集西

北一里又傍集西折而東南過集南大石橋又東又南盤曲五里至戴家湖北口入駕河長十三里折而東南行穿湖三里至黃橋溝口注於淮

按舊志不載駕河而以裔溝爲經河非也駕河自邵家店東南流至黃橋溝口注淮行五十餘里會小水十二其流較裔溝爲大裔溝乃縣北境開鑿渠道洩平原地畝水入於駕河者又舊志載裔溝原委亦不詳備今皆更正之 駕河入淮處頗亦浩瀚其上流則多斷續不可辨土人輒隨地更名不盡可據準也

濕泥河又名港河有三源一自蒙城西南何溝集西

南流二十里一自蒙城西南高皇廟南流三十五里

一自縣北界王家店東南流二十餘里會於杜家橋

卽古雞水源也

橋東北屬蒙城西南爲縣上塘集

左會界溝水

溝爲上塘

集賈家村平原水所集由宏能寺西流

南過孫家橋

六里入濕泥河

北界蒙城故名界溝此處水深土人築壩張網取魚故名

又東南爲聞家陂卽水經

注之雞陂又東南至嶺子頭西左會港溝水

溝爲盤引黑濠

河以洩平原水者

嶺子土埂綿屬卽水經注黃陂遺址也又

東南流左會小黃河水

水自薛家集之小中孤堆東側分黑河西南流十二里過

蔣家橋折而東南十餘里過石橋會於濕泥河

又東南過聯橋

顧家橋集西

又西

南至老董墳卽水經注茅陂處又曲逕徐家孤堆渟

爲雞溝湖又西南會於西肥河自杜家橋而下屈曲

行六十里

入西肥之水此爲最大又黑河雖東行而驟雨水集分流由小黃河入濕泥河者常

十之七故每有泛溢之虞

套子河在硤石北二里由淮河東分支四里至下蔡

城南新橋東仍入淮

東峽之陰五里至邱溝爲沙地卽依之鑿引此河分洩淮水漲

勢舊志不見未詳鑿自何時

新河在硤石由西麓西肥河委北繞篠山長山禹王

山東北入淮長二里餘

明萬歷間知州鄭琬以淮肥並出勢積難洩州城常被水

患督吏目彭希壽鑿引此河分肥水由硤外入淮以散其勢後遇大水不至甚患硤間湍急不利行舟則由新河以達河避中流之險萬歷間知州莊桐加濬具舊志今河底淤淺亦宜爲疏濬之一也然水勢大

而河身小所淺亦無幾此時大潦之歲
水由孤山之麓踰岡而過其橫流如此

月河又名小河於淮北岸黃橋溝口分淮水一支東
行十里過河灣橋又三里過泥岔橋又三里過許店
橋又八里過曹家橋又五里過王家橋又東十餘里
至平擺渡復入淮

柳溝河又名水溝河於淮北岸胡家集分淮水一支

北距集三里

東北行三里會響水澗水

澗自胡家集西北二里之孔家莊西

東南流四里過周家橋又四里至
孫家橋折而南一里入水溝河

折而東四里至高

皇寺南又東南流六里入懷遠境湯魚湖會東泥河

全尹家溝入淮

月河柳溝蓋皆淮河之中渾歲久填淤益高可耕作耳遇大漲則仍汪洋彌望也

夫左縮潁口右睨荆塗控長淮之上游扼南北之津渡閩以硤石帶以夏肥平疇足于耕墾陂澤饒于畜牧郊原四通方軌並驚指顧徐宿颺馳陳宋此自昔下蔡之形勝也今縣又益以淮南諸山及肥水之口紫金八公陸以爲鎮馬頭趙步水以爲鍵而昔時壽春之形勝亦縣之形勝矣漢書地理志以沛郡爲朱分房心分野九江郡爲吳分斗分野

下蔡在沛壽春在九江

唐

書地理志以潁州爲壽星分壽州爲星紀分

下蔡在潁壽春

鳳臺縣志

卷一

罕

在壽蓋皆以淮爲界也明頒清類天文分野書專以壽州爲斗分則忘明之壽州兼有淮北之下蔡矣天道旣遠無可取証存其說焉可也